

ԹԵՏՈՒԹՅԱՆ ԵՎ ԻՐԱՎՈՒՆՔԻ ՏԵՍՈՒԹՅՈՒՆ

ԻՐԱՎԱԿԱՆ ՄՇԱԿՈՒՅԹԸ ՈՐՊԵՍ ՄԻՋԱԶԳԱՅԻՆ ԻՐԱՎՈՒՆՔԻ ԹԻՐԱԿ

Արքուր ՂԱՆԻԵԼՅԱՆ

ՀՀ ԳԱԱ փիլիսոփայության, սոցիոլոգիայի
և իրավունքի ինստիտուտի ասպիրանտ

Իրավական մշակույթի և միջազգային իրավունքի փոխհարաբերության հանատեքստում, կարծում ենք, հարկ է հիմք ընդունել այն ելակետային դիրքորոշումը, ըստ որի՝ գրեթե գոյություն չունի բացարձակ փակ իրավական մշակույթ, քանզի յուրաքանչյուր ազգային իրավական համակարգ այս կամ այն չափով գտնվում է միջազգային իրավունքի ազդեցության ներքո: Ինչպես նկատել է իրավագետ Ի. Լուկաշուկը. «Միջազգային իրավունքն աստիճանաբար դուրս է գալիս դիվանագիտության շրջանակներից, սկսում է ներագդել զանգվածային գիտակցության, հասարակական կարծիքի ձևավորման վրա, որի աջակցությունից են մեծ չափով կախված միջազգային իրավունքի արդյունավետությունը, հետևաբար և՝ միջազգային հիմնախնդիրների լուծման հաջողությունը»¹:

Կարծում են՝ այդ ազդեցությունը բնավ չի դրսենորվում միայն միջազգային իրավունքի չափանիշներին համապատասխան ազգային օրենսդրություն ձևավորելու տեսքով: Ներկայիս գլոբալիզացիայի պայմաններում, տարածաշրջանային, կրոնական, էթնիկական ու նմանաբնույթ այլ հիմքերով թելադրված, առանձնահատուկ իրավական համակարգ ունեցող բազմաթիվ երկրներ փորձում են ձևավորել այնպիսի ազգային օրենսդրություն ու պետական համակարգ, որոնք ոչ թե միտված են մի-

ջազգային չափանիշների գերակայության ապահովմանը, այլ՝ հենց նույն միջազգային իրավունքին հնարավորին «հուսալի» դիմակայելուն, այսինքն՝ այնպիսի քաղաքականություն իրականացնելուն, որը կրացարի կամ գոնե կնվազեցնի միջազգային իրավունքի «վտանգավոր ոտնձգությունը» ազգային օրենսդրության նկատմամբ²:

Մենք դեռ կանդրադառնանք վերը նշված գաղափարախոսության ակունքներին, սակայն այս փաստական տվյալները բավարար են եզրակացնելու համար, որ միջազգային և ազգային իրավական համակարգերի փոխազդեցությունը մեծապես պայմանավորված է այս կամ այն երկրում ձևավորված ազգային իրավական մշակույթով: Այլ կերպ ասած՝ ոչ միայն միջազգային իրավունքն է ներազդում իրավական մշակույթի ձևավորման վրա, այլև իրավական մշակույթն է պայմանավորում միջազգային և ազգային իրավական համակարգերի փոխհարաբերության բնույթն ու սահմանները:

Գիտագործնական վերլուծությունը ցույց է տալիս, որ միջազգային իրավունքը ազգային իրավական մշակույթի վրա կառող է ունենալ ինչպես դրական, այնպես էլ բացասական ներազդեցություն:

Որպես դրական ներազդեցության արդյունք կարող են հանարվել այնպիսի ինստիտուտների ու իրավական սկզբունքների ամրագրումը, ինչպիսիք են պետությունների հնքնիշխանությունն ու հավասարությունը, ուժի կիրառնան և ուժի սպառնալիքի անթույլատրելիությունը, ներքին գործերին միջամտելը, մարդուն, նրա արժանա-

ՊԵՏՈՒԹՅԱՆ ԵՎ ԻՐԱՎՈՒՆՔԻ ՏԵՍՈՒԹՅՈՒՆ

պատվությունը, հիմնական իրավունքներն ու ազատությունները բարձրագույն արժեք ճանաչելը, միջազգային խաղաղ գոյակցությունը և այլն: Բնական է, որ միջազգային իրավունքի ազդեցությամբ պետությունները որոշ չափով կորցնում են իրենց ինքնիշխանությունը, սակայն վերջիններս ծեռք են բերում կախվածություն ոչ թե իրենց նկատմամբ կիրառված ուժից, այլ համընդհանուր համաձայնությամբ ծևավորված միջազգային նորմերից³: Կարծում ենք՝ այս հանգամանքը միջազգային կայունության և իրավակարգի երաշխիքն է:

Իհարկե, բազմաթիվ դեպքերում (բնական լայնազանգված աղետներ, համաձարակներ և այլն) պետությունների միջազգային համագործակցությունը խստորեն չի համապատասխանում միջազգային իրավունքի նորմերին, քանզի պարզապես գործում են ավանդույթի ու սովորույթի հենրով թելադրված համամարդկային արժեքներն ու սկզբունքները⁴: Այդպիսի դեպքերում անգամ թշնամական պետությունները հաճախ մի կողմ են թողնում իրենց տարածայնություններն ու հակասությունները և ձգուում են, միջազգային իրավունքի որոշ ծևական իրավական կարգավորումները մի կողմ թողած, հիմնանիտար օգնություն ցուցաբերել աղետի գոհ դարձած մարդկանց: Այս բնույթի միջազգային համագործակցությունը լավագույն միջոց է, որ յուրաքանչյուր մարդ ընկալի, որ ինքը ոչ թե սուկ մի էրնիկական խնդիր, անգամ պետության, այլ համաշխարհային հանրության մասնիկն է և գտնվում է համամարդկային արժեքների պաշտպանության ներքո:

Պետությունների խախաղ գոյակցության համար կարևոր գործոն են բնապահպանական արդի մարտահրավերները: Ընդ որում, վերջին 20 տարիների ընթացքում արմատապես փոխվել են զարգացող պետությունների դիրքորոշումները այս հիմնախնդիրների նկատմամբ: Բնորոշ է այն,

որ 2012 թ. հունիսի 20-22-ին ՄԱԿ-ի՝ «Կայուն զարգացմանը նվիրված «ՈՒԻ-20» զագարնաժողովում զարգացող երկրների ներկայացուցիչները դրսելու են աննախադեպ անհունդուրժողականություն բնապահպանական լայնածավալ խախտումների առնչությամբ այն դեպքում, երբ 20 տարի առաջ նույն թեմային նվիրված զագարնաժողովում վերջիններս որպես ելակետ էին ընդունում այն դիրքորոշումը, ըստ որի՝ զարգացած երկրները բնապահպանական հիմնախնդիրների թեմային իբր արհեստականորեն են արդիականություն հաղորդում, որպեսզի տնտեսական կախվածության մեջ թողնեն զարգացող երկրներին (այդ մասին ՀՀ կառավարության մանուլի կենտրոնում 2012 թ. հուլիսի 10-ին հայտնել է զագարնաժողովի մասնակից, «Հանուն մարդկային կայուն զարգացման ասցիդացիա» ՀԿ նախագահ Կ.Դանիելյանը)⁵:

Մենք բերեցինք միայն մասնավոր օրինակ, սակայն ցանկացած այլ ոլորտում պետությունների մոտեցումների էվոլյուցիայի առնչությամբ կատարված ուսումնասիրությունները կարող են վկայել այն մասին, որ ազգային իրավական մշակույթը բազմաթիվ երկրներում վերջին շրջանում դարձել է խիստ հարավորված: Կարծում ենք՝ սոցիալական կյանքին բնորոշ գործընթացների համեմատաբար արագ փոփոխվող հատկանիշը փոխվագվածված է տնտեսական ու տեխնիկական համակարգերում տեղի ունեցող երևույթներով: Որքան էլ սոցիալ-հոգեբանական երևույթներին բնորոշ լինի զարգացման համեմատաբար դանդաղ գործընթաց, միևնույն է, դրանք այս կամ այն չափով պետք է համահունչ լինեն մյուս համակարգերում տեղի ունեցող խոշոր ու արագընթաց երևույթներին:

Մի խոսքով, կարելի է անդրադարձալ միջազգային իրավունքի բազմաթիվ այլ դրական բաղադրիչների, սակայն այս կարգի հարցադրումները համապատասխան մասնագիտական գրականությունում

բավականին խորը հետազոտված են, ուստի անդրադառնանք միջազգային և ազգային իրավական համակարգերի փոխադրության նաև բացասական դրսնորումներին, որոնք էլ ավելի մեծ չափով են կանխորշվում ազգային իրավական մշակություն:

Որքան էլ միջազգային համագործակցության արդյունքներն աստիճանաբար ավելի ու ավելի տեսանելի են դառնում, որքան էլ ավելի հաճախ ենք լսում համաշխարհային պատերազմների, ռազմական մեծածավալ բախումների անհավանականության մասին, միևնույնն է, աշխարհը դեռևս շարունակում է մնալ խիստ տարանջատված, իսկ միջազգային հանրության առանձին սուբյեկտներ միշտ չեն, որ համակրում են հանրահայտ միջազգային կազմակերպությունների, ինչպես նաև քաղաքակրթության և ժողովրդավարության մեջ փորձ ու ավանդություններ ունեցող պետությունների նախաձեռնությունները: Ընդ որում, գլոբալիզացիոն գործընթացներին զուգահեռ նոր թափ են հավաքում հակագլոբալիզացիոն գործընթացները: Մասնավորապես, միգրացիոն երևույթների աննախադեպ ածի պարագայում մարդկային հոժգանգածներ հայտնվում են միանգանայն նոր բնակլիմայական, քաղաքակրթության ու բորայահոգեբանական պայմաններում: Այս երևույթը, մեր կարծիքով, առանց այդ էլ ինքնըստինքյան առաջացնում է որոշակի բարոյահոգեբանական բարդություններ, իսկ երբ դրանց ավելանում է ընդունող պետություններում վերջին շրջանում սկիզբ առած այնպիսի քաղաքականությունը, որը միտված է հնարավորինս սահմանափակելու միգրացիոն երևույթները, ապա այդ համատեքստում միջերնիկական ու միջկրօնական հարաբերություններն էլ ավելի են սրվում, ել ավելի է հասունանում անվստահությունը միջազգային կառույցների և դրանց անդամ պետությունների քաղաքականության նկատմամբ:

Ուսումնասիրությունը ցույց է տալիս, որ միջազգային իրավունքի ակտիվացման,

նորանոր տարածաշրջաններ ու իրավական իիմնահարցեր ներգրավելու հետ մեկտեղ էլ ավելի նկատելի ու հիմնավոր են դառնում դրան դիմագրավելու՝ հակառակորդների նկրտումները:

Այս առնչությամբ միանշանակ են նաև միջազգային իրավունքի մասնագետների տեսակետները, հատկապես՝ արևմտյան ու արևելյան մտածելակերպի, իրավագիտակցության ու իրավական մշակույթի կտրվածքով: Մասնավորապես, հանրահայտ է այս տեսակետը, ըստ որի՝ հիշյալ իրավական մշակույթներն էապես տարբերվում են միջյանցից և ակնհայտ հակասության մեջ են: Ընդ որում, արևմտյան իրավական մշակույթը ներկայումս հակված է ինքնիշխանության որոշ տարրերի սահմանափակմանը, մինչդեռ արևելյան իրավական մշակույթում գերիշխում է Արևմուտքից հնարավորինս տարանջատվելու խնդրի հետևողական լուծնան անհրաժեշտության նույնությունը: Ըստ ուս իրավագետ Վ. Խիժնյալի, «Արևելքը չի ընդունում սեփական հիմքերը ցնցած արևմտյան կենսակերպը, և այդ հիմնախնդրի լուծումը դեռևս չի գտնվել»⁷: Այս և նմանաբնույթ այլ տեսակետները կարող են և խիստ ծայրահեղական համարվել, սակայն ամբողջ խնդրին այն է, որ այս տեսակետը գրեթե նույնությամբ կիսում են ասիական քաղաքարիկ երկրների ճանաչված իրավագետներ ու պատասխանատու քաղաքական գործիչները⁸:

Այս տարածաշրջանի երկրներում արևմտյան իրավական արժեքների ու մշակույթի նկատմամբ ձևավորված մոտեցումները, կարծում ենք, պայմանավորված են կրոնական, էթնիկական և պատմաքաղաքական նախադրյալներով: Ընդ որում, ասիական երկրներում գերիշխող իրավագիտակցության համաձայն՝ արևմտյան իրավական արժեքները հետապնդում են ոչ թե համամարդկային, այլ քացառապես աշխարհում տիրապետող դիրք ունեցող պետությունների շահերի պաշտպանության նպատակ, ըստ այդմ էլ՝ Եվրոպական մի-

ՊԵՏՈՒԹՅԱՆ ԵՎ ԻՐԱՎՈՒՆՔԻ ՏԵՍՈՒԹՅՈՒՆ

ջազգային իրավունքն ակնհայտ ժխտողական վերաբերմունք ունի ասիական իրավական մշակույթի նկատմամբ, ինչի արդյունքում անգամ ասիական պետությունների մասնակցությամբ որևէ միջազգային իրավական փաստաթղթում չեն արտացոլվում ասիական իրավական մշակույթի արժեքները:

Իրավագիտության աղբյուրներում կարելի է հանդիպել վերը նշված տեսակետի հիմնավորման տարբեր փորձերի, սակայն նպատակահարմար է անդրադառնալ Սինգապուրի Ազգային համալսարանի պրոֆեսոր Մ. Սորնարայահի դիրքորոշմանը. «Ասիական պետությունները պետք է ունենան բավականին ուժեղ կենտրոնացված իշխանություն, որպեսզի ունակ լինեն պաշտպանելու իրենց շահերը, և ոչ թե հետևեն այն կազմակերպությունների հրահանգներին, որոնք դեկավարվում են գերիշխող երկրների կողմից: Ժողովրդավարության առնչությամբ արևմտյան իրավական հայեցակարգի համաձայն՝ մարդու իրավունքները պետք է գերակայող լինեն, ինչը բացարձակապես չի ընդունվում բազմաթիվ ասիական երկրների կողմից: Ընդհանուր զարգացման և էթնիկական հարցերի վերաբերյալ ասիական հիմնախնդիրներն եապես տարբերվում են Եվրոպայի առջև ծառացած մարտահրավերներից»⁹:

Պատկերն առավել անբողջական դարձնելու նկատառումով, կարծում ենք, արժե ներկայացնել վերը նշված հիմնահարցի վերաբերյալ նաև Զինաստանի միջազգային իրավունքի փոխնախագահ Լի Ցհան-ջիի տեսակետը. «Արդի միջազգային իրավունքը Զինաստանի և Արևմուտքի միջև հարաբերությունների վրա ունեցել է առավելապես ապակառուցողական, քան կառուցողական ներազդեցություն: Ընդ որում, այդ բնույթի արդյունքները հանդիսանում են Զինաստանի իրավական համակարգին հարկադրաբար այնպիսի խորը ու անըն-

դունելի իրավական ինստիտուտների պարտադրմամբ, ինչպիսիք են՝ ինքնիշխանությունը, անկախությունը և հավասարությունը: Արտաքին ագրեսիան Զինաստանին դրդեց դիմելու միջազգային հարաբերություններում լուրջ միջոցների, որպեսզի մեր երկիրը ձերբագատվի մեզ համար ակնհայտ անշահավետ պայմանագրային պարտավորություններից և ստեղծվի կոնֆուցիոնիզմի գաղափարներով դեկավարվող ուժեղ և միավորված Զինաստան»¹⁰:

Արևմտյան իրավական մշակույթի բազմաթիվ տարրերի նկատմամբ ժխտողական վերաբերմունքը նկատելի է նաև ոռուսական իրավագետների մոտ: Այսպես, օրինակ, անդրադառնալով տնտեսական գործընթացներում պետության դերակատարման խնդրին՝ ռուս առանձին իրավագետներ նկատել են. «Տնտեսության կառավարման ոլորտում պետության ավանդաբար մեծ դերը, ինչը մշտապես բնորոշ է եղել ոռուսական պետականությանը, հանրության մեծամասնության իրավական հոգեբանության կտրվածքով անընդունելի է համարվում արևմտյան իրավական մշակույթի չափանիշներով մասնավոր սեփականության ինստիտուտը»¹¹:

Այսպիսով, արևմտյան իրավական մշակույթի ջատագովների հավաստիացումներն այն մասին, որ եվրոպական իրավունքը կառուցված է ոչ թե արևմտյան եվրոպական երկրների իրավական արժեքների, այլ՝ համամարդկային արժեքների, բազմաթիվ առաջավոր ավանդույթների վրա¹², բազմաթիվ ասիական երկրներում, որոց հետխորհրդային երկրներում և այլն համարժեք ընկալման չի արժանանում:

Բոլոր դեպքերում, ներկա քաղաքական ու իրավական զարգացումները վկայում են այն մասին, որ հիշյալ երկրների իրավական մշակույթը, փաստորեն, հակված լինելով ժխտելու արմտյան իրավական մշակույթը, այնուամենայնիվ այս կամ այն չափով դրսնորում է հանդուժողականություն, ինչը գնահատվում է որպես միջազ-

գային հարաբերություններում ծայրահեղ մեկուսացվածության չենթարկվելու և դրանվ պայմանավորված՝ բացասական հետևանքները չհաղթահարելու մտավախությամբ:

Կարծում ենք՝ այս փոխհարաբերություններում առավել հանդուժողականություն ապահովելու նկատառումով հարկ կլինի հնարավորինս ուշադիր լինել արևմտյան իրավական մշակույթին անմիջականորեն չհարած պետությունների իրավական մշակույթի նկատմամբ: Վերջին հաշվով, չի կարելի բացառել, որ, օրինակ, ասիական իրավական մշակույթում առկա են բազմաթիվ համամարովային իրավական արժեքներ, որոնք կարող են անարգել կիրառելի լինել նաև արևմտյան քաղաքակրթության համակարգերում, սակայն արևմտյան իրավական մշակույթի շրջանակներում դեռևս չի ծնակվուի անհրաժեշտ կամք, որը միտված կլինի հիշյալ մշակույթի համարժեք ուսումնասիրությանը և դրանց համամարդկային բնույթ ունեցող հիմնադրույթները միջազգային իրավական փաստաթղթերում ներառելուն:

Անվտահության տեղիք են տալիս նաև միգրացիոն երևույթների աննախադեպ աճով պայմանավորված արևմտյան պետություններում միգրանտ օտարերկրյա քաղաքացիների նկատմամբ նախկին հանդուժողական քաղաքականության վերանայման փորձերը: Ինչ խոսք, այդ քայլերը, որքան էլ դրանք հիմնավորված լինեն ու իրավաչափ համարվեն, որոշակի շրջաններում համակրանք չեն վայելում և ընկալվում են որպես երկակի ստանդարտների կիրառման դասական օրինակ:

Վերը նշված հակասությունները, բացի հիշյալ բնույթի նախադրյալներից ու գործններից, մեր կարծիքով թելադրված են նաև միջազգային իրավունքի ծևավորման ու զարգացման գործընթացում ինչպես իրավական հոգեբանության, այնպես էլ իրավունքի մյուս ծյուղերի, հատկապես իրավունքի ու պետության տեսության հիմնադրույթների նկատմամբ ոչ համարժեք

վերաբերմունքով: Ի դեպ, միջազգային իրավունքի ծևավորման ու զարգացման առնչվող հիմնախնդիրները փոքր-ինչ այլ բացարություններով նկատել են նաև արտասահմանյան բազմաթիվ իրավագետներ¹³:

Ընդհանրապես, միջազգային իրավունքի հնատիտուտներն ազգային իրավական համակարգ ներդնելու գործընթացը կարող է հաջողություն գրանցել միայն հանրության իրավագիտակցության պատշաճ ուսումնասիրության, ակնկալվող ուղղություններով զարգացման և հաշվառման արդյունքում: Այս առնչությամբ խիստ կարևոր ու հիմնավորված դիտարկումներ է ներկայացրել Գ. Յարությունյանը, որը, անդրադառնալով միջազգային իրավունքի չափանիշների ներդրմանը, պատկերավոր նկատել է. «... միանգամայն անհեռանկար է նաև, եթե շեշտը դրվում է ժողովրդավարության «ներմուծման» ճանապարհով իրավական հեղափոխություն իրականացնելու վրա՝ առանց վերջինիս համար անհրաժեշտ արժեքային համակարգի ու նախադրյալների ստեղծման: Դա կարող է հանգեցնել միայն անհաջող նմանակման: Խնդիրը պետք է լուծվի ոչ միայն մտայնության կամ քաղաքական գիտակցության նակարդակում, այև պետք է հարքահարվեն իմացաբանական աղճատումները: Նետևաբար, իրավական ժողովրդավարական պետության կայացման ամենակարծ ճանապարհը ոչ թե դարերի վրայից ցաւկելու անպտուղ փորձն է կամ որոշակի արժեքներ ու սկզբունքներ հայեցական ընկալումներից ելնելով թրային կարգախոսի ու առկա իրողությունների քողարկման միջոց դարձնելը, այլ քաղաքացիական հասարակության եվլողական արժեքները սեփական արժեքային համակարգի ու ազգային սահմանադրական մշակույթի շրջանակներում ճանաչելն ու հետևողականութեն, հաստատական հասարակության անդամների հմաստավորված սեփականությունը դարձնելը»¹⁴:

Նպատակահարմար ենք գտնում նաև

ՊԵՏՈՒԹՅԱՆ ԵՎ ԻՐԱՎՈՒՔԻ ՏԵՍՈՒԹՅՈՒՆ

նկատել, որ հաճախ ներդրման համար ընտրված ժողովրդավարության այս կամ այն ինստիտուտի առնչությամբ անգամ քաղաքական, նաևնագիտական իրավագիտակցությունը բավարար չափով պատրաստված չի լինում, ինչի մասին են վկայում դրանց արդյունքում ընդունված օրենսդրական ակտերում արդեն հետագայում անհարկի կատարվող մեծաքանակ փոփոխություններն ու միջազգային փորձագետների բացասական կարծիքները:

Այսպիսով, կոնկրետ մեր երկրի իրավական մշակույթը մեզ հուչում է, որ գերիշնդիրը իրավասու պետական և տեղական ինքնակառավարման մարմինների ու դրանց պաշտոնատար անձանց նկատմամբ ոչ բավարար վստահություն է, ինչը զգալիորեն զիջում է ժողովրդավարության ճանաչում ունեցող պետությունների նույնական ցուցիչներին, և ինչի պատճառով, որոշակի սոցիալ-հոգեբանական գործոնների ազդեցությամբ հաճախ այլ երկրները դիտվում են ոչ միայն պարզապես առավել հուսալի, այլև արտագաղթը «խրախուսող» գործոն:

Ազգային իրավական մշակույթը ոչ միայն ձևավորվում է միջազգային իրավունքի ներազդեցությամբ, այլև բազմաթիվ ասպեկտներով կանխորոշում է միջազգային իրավունքի էվոլյուցիան: Մասնավորապես, հաշվի առնելով դեռևս անհրաժեշտ իրավական մշակույթ չունեցող հետխորհրդային երկրների անդամակցության փաստը միջազգային կազմակերպություններին, միջազգային իրավական փաստաթղթերն զգալիորեն վերանայվեցին և համապատասխանեցվեցին նոր պահանջներին:

Միջազգային իրավունքի սկզբունքների և այլ իիմնադրությների վերոհիշյալ վերանայումները հատկապես ցավուտ են ընկալվում մեր երկրում՝ պայմանավորված Լեռնային Ղարաբաղի Հանրապետության հիմնախնդրի լուծման հարցում որդեգրած ա-

նորոշ, իսկ երբեմն էլ՝ երկակի չափանիշներով իրականացվող քաղաքականությամբ:

Ազգային իրավական մշակույթում միջազգային իրավունքի ու միջազգային կառույցների նկատմամբ անվտահության տարրերի մի մասն էլ թելադրված է հայ ժողովոյի համար խստ էական նշանակություն ունեցող մեկ այլ խնդրի՝ Հայոց ցեղապահության ճանաչման իրավիճակով: Այս հարցում դարձյալ ազգային իրավագիտակցությունը հակված է այն տեսակետին, որ միջազգային իրավունքը լիարժեք հնարավորություն է տալիս իրավական եղանակներով դատապարտելու Հայոց ցեղապահությունը և երաշխավորելու դրանով թելադրված իրավական հետևանքները, սակայն գործնականում միջազգային կազմակերպություններն այս հարցում ևս դրսերում են երկակի չափանիշներ: Ընդ որում, երկակի չափանիշների մասին դատողություններն ավելի քան հիմնավորված են դառնում՝ հաշվի առնելով այն հանգանքները, որ ժողովրդավարության և քաղաքակրթության հարուստ փորձ ունեցող առանձին երկրներ ոչ միայն պաշտոնապես ճանաչում են Հայոց ցեղասպանությունը, այլև ընդունել են այն հերթելու համար քրեական պատասխանատվություն սահմանող օրենքներ:

Այսպիսով, համոզված ենք, որ Լեռնային Ղարաբաղի և Հայոց ցեղասպանության հարցերում միջազգային կազմակերպությունների կողմից պատշաճ ու իրավական դիրքորոշում ցուցաբերելու դեպքում արմատապես կվերանայվի դրանց նկատմամբ ազգային իրավական մշակույթը:

Անփոփելով միջազգային և ազգային իրավական համակարգերի համատեքստում իրավական մշակույթի ձևավորման հիմնախնդրներին նվիրված նյութի հետազոտության արդյունքները՝ կարող ենք համակարգված տեսքով ներկայացնել որոշ եղանակումներ:

1) միջազգային իրավունքը ներկայումս միատարր չէ, ձևավորվել են մի քանի համակարգեր, որոնց միջև հակասություննե-

ող մեղմելու, իսկ հետագայում բացառելու միակ ընդունելի ճանապարհը ոչ թե առկա իրավական համակարգերն անտեսելու է ու բացառապես արևմտյան իրավական համակարգերի արժեքներին նախապատվություն տալու է, այլ մյուս իրավական համակարգերը համարժեքորեն ուստամնասիրելու ու դրանցում առկա համամարդկային արժեքները միջազգային իրավունքի հիմնադրույթները մշակելիս պատշաճ կարգով հաշվի առնելու է,

2) արևմտյան միջազգային իրավունքի և միջազգային կազմակերպությունների նկատմամբ որոշ տարածաշրջանների իրավական մշակույթի անհանդուրժողականությունը փաստ է և թելադրված է կրոնական, էթնիկական, պատմաքաղաքական նախադրյալներով: Ընդ որում, այդ իրավիճակին նպաստում է նաև արևմտյան իրավական մշակույթը, որը դեռևս հակված չէ այլ իր իրավական համակարգի զարգացման և համամարդկային շահերի համակարգի զարգացման տարրեր փնտրել այլ իրավական համակարգերում,

3) մեր երկրում ազգային իրավական մշակույթը, ընդհանուր առնամբ, միջազգային իրավական համակարգը գնահատում է որպես ընդօրինակնան տեսանկյունից ընդունելի, ազգային իրավական համակարգի համեմատ առավել նախընտրելի, սակայն համազգային արժեքը ու նշանակության երկու խոշոր հիմնախնդիրների առնչությամբ երկակի չափանիշներ կիրառելու երևույթը հանգեցրել է մի իրավիճա-

կի, երբ ազգային իրավական մշակույթը հիշյալ կտրվածքով ձեռք է բերել անվստահության տարրեր,

4) միջազգային իրավական առանձին լուծումների առնչությամբ ազգային իրավական մշակույթում ծևավորված դիմադրությունը մեծ մասամբ թելադրված է ոչ այնքան դրանց և ազգային ավանդույթների միջև առկա հակասություններով, որքան պետական համակարգի բարելավմանն ու կոռուպցիոն ռիսկերի նվազեցմանն ուղղված իրավական դրույթների առնչությամբ սուբյեկտիվ դրսևումներով,

5) միջազգային իրավունքի չափանիշների ու սկզբունքների ներդրման գործընթացում հարկ է համարժեք ուշադրություն դարձնել ինչպես մասնագիտական, այնպես էլ հանրային իրավագիտակցության հարթություններում դրանց լիարժեք ճանաչման ու ընկալման վրա:

Այսպիսով, ցանկացած ազգային, անգամ փակ իրավական մշակույթ անբողջովին մեկուսացված չէ և գտնվում է համաշխարհային զարգացումների ազդեցության ներքո, և որպեսզի այդ զարգացումների ներագեցությունը շահեկան լինի, հարկ է որոշ չափով վերանայել ինչպես միջազգային իրավունքի, այնպես էլ ազգային իրավական համակարգի ծևավորման ու զարգացման գիտագործնական ու իմացաբանական չափանիշները, որոնց առնչությամբ մեր փորձեցինք ներկայացնել մեր նկատառումները:

¹ Стёу Лукашук И.И., Современное право международных договоров: В 2 т., Т. 1. Заключение международных договоров. М., 2004, № 61:

² Стёу Zhaojie L., Legacy of Modern Chinese History: relevance to the Chinese Perspective of the Contemporary International Legal Order // Singapore Journal of International and Comparative Law. 2001. Vol. 5 № 315: Sornarajah M. The Asian Perspective to International Law in the Age of Globalization // Singapore Journal of International and Comparative Law. 2001. Vol. 5. № 311:

³ Стёу Рыбаков Ю., Скотников Л., Змеевский А., Примат права в политике // Международная жизнь. 1989. N 4, № 61-62:

⁴ Стёу Adjami M.E., African Courts, International Law, and Comparative Case Law: Chimera or Emerging Human Rights Jurisprudence? // Michigan Journal of International Law. 2002. Vol. 24, № 119:

⁵ Стёу <http://www.gov.am/am/news/item/9736/>:

⁶ Стёу Поленина С.В., Мультикультуризм и права человека в условиях глобализации // Государство и право. 2005, N 5. № 70-71:

ՊԵՏՈՒԹՅԱՆ ԵՎ ԻՐԱՎՈՒՄԻՔԻ ՏԵՍՈՒԹՅՈՒՆ

- ⁷ Տե՛ս Հիջնակ Բ.С. Международное право и российский конституционализм // Московский журнал международного права. 2004. N 2. էջ 210:
- ⁸ Առավել մանրանասն այդ տեսակետները վերլուծվել են հետևյալ աշխատությունում՝ Դաвид Բ., Ջօֆֆրե-Շպինոզի Կ. Основные правовые системы современности / Пер. с фр. В.А. Туманова. М., 1999, с 373.
- ⁹ Տե՛ս Sornarajah M. The Asian Perspective to International Law in the Age Globalization // Singapore Journal of International and Comparative Law. 2001. Vol. 5. էջ 312:
- ¹⁰ Տե՛ս Zhaojie L. Legacy of Modern Chinese History: Its Relevance to the Chinese Perspective of the Contemporary International Legal Order // Singapore Journal of International and Comparative Law. 2001. Vol. 5. էջ 317:
- ¹¹ Տե՛ս Поленина С.В., Гаврилов О.А., Колдаева Н.П., Лукьяннова Е.Г., Скурко Е.В. Воздействие глобализации на правовую систему России // Государство и право. 2004. N 3. էջ 14:
- ¹² Տե՛ս Weeramantry S.G. Keynote Address. Symposium Issue: International Law and the Developing World: A Millennial Analysis // Harvard International Law Journal. 2000. Vol. 41. էջ 281:
- ¹³ Տե՛ս, օրինակ, Spiro P.J. Globalization, International Law, and the Academy // New York University Journal of International Law and Politics. 2000. Vol. 32., էջ 578:
- ¹⁴ Տե՛ս Դարրությունյան Գ.Գ., Նշված աշխատությունը, էջ 138:

THE LAW CULTURE AS THE INTERNATIONAL TARGET

Arthur DANIELYAN

The post-graduate of Armenian Academy of Science philosophy, sociology and law institute department

In this article the author researched the role of law culture in the national and international relationships and display according to the international law culture. The author paid attention to the statement of the questions such as: a) the negative and positive aspects of influence in the international and national law culture to each other; b) the positive changes of the international law in the developing countries; c) in some places of the West European countries law system and from their side the formation of international office documents and the trust to them; d) the formation of worldwide values and their necessity and etc.

The authors point of view on the formation of world wide values and their necessity in the international law culture and its improvement is great; but still, till now the same axle statement is not pulling up with each other. According to the authors viewpoint this situation comes from the neglect

policy of West European countries and the USA in spite of the traditional positive solutions of issues from one side and in the same regions it becomes visible, the tendency of solutions of the international law norms as it is useful to the above mentioned countries out of the world wide standards.

In particular the author finds that to apply to the countries standards comes from national self-determination of law interpretation in the given situation. Moreover they are against of the national self-determination of law interpretation and apprehension especially that countries representatives who have a lot of boards (offices) and they try to solve the interethnic problems not by the help law, and not by the help of improving the standards of living, but by the help of using force against which, according to the authors viewpoint can not be perspective and realistic politics

In the last part of the article the author represented the summary of his main personal solutions which are related as in the international law effects so in national law and improving the issue of international law culture.